

y fut estouffé & a demy bruslé, on retira le reste du corps que nvl ne Iugeasmes point a propos d'enterrer en terre Sainte, estant vn yurogne manifeste & public Incorrigible & mort sans signe de penitence dans son yurognerie; en suite on ne fit aucune priere publique p^r. luy

*matelot se iette dans
La mer. Eau de Vie
refusée.*

Quelque moys auparauant s'estoit precipité dans la mer vn matelot nommé Charles. a Tadousak apres auoir bu 4. tasses d'eau de vie, sur le refus qu'on luy faisoit de luy en donner dauantage.

La St. Ignace.

A la feste de St. Ignace, le salut se fit la veille a 7. h. du soir. scauoir le laudate, Iste Confessor, Similabo, Magnificat, Salue regina cela alla bien.

la grande Messe le Iour a 7. h. le sermon a 1. h. & demie a l'hospital, & ensuite les Vespres, les Hospital. donnerent la Colãon aux Musiciens a ma requeste; le salut a 5. h. Aux Vrsul^{es}. cõe la veille.

la veille on tira a midy vn coup de Canon au fort, & trois le lendemain a l'Angelvf du matin.

1647. Aoust

*arriüée des Vais-
seaux*

le 1^{er}. arriua vne Chaloupe qui dit des nouvelles de l'arriüée des vaisseaus au moins de l'Admiral au biq.

le 5. arriua le p. Quentin; & le 6. Deux vaisseaux de M^r. de repentigny & vn autre: